

歐陽文

卷七之十二





歐陽文集卷七

古詩二十二首

贈沈博士歌

沈夫子胡為醉翁吟醉翁豈能知爾琴滁山高絕滁

水深空巖悲風夜吹林山泉一作溜白玉懸青岑一作瀉

萬仞源莫尋醉翁每來喜登臨醉倒石上遺其簪雲

荒石老歲月侵子有三尺微暉一作黃金寫我幽思窮

崎嶇自言愛此萬仞水謂是太古之遺音泉淙石亂

到不平指下嗚咽悲人心時時弄餘聲言語軟滑如

春禽嗟乎沈夫子爾琴誠工彈且止我昔被謫居滁



山名雖一作為翁實少年坐中醉客誰最賢杜彬琵琶

琴皮作絃自從彬死世莫傳玉練鎖東坡詩云新客

疑當聲入黃泉死生聚散日零落耳冷心衰翁索莫

國恩未報慙祿厚世事多虞嗟力薄顏摧鬢改真一

翁心以一作憂醉安知樂沈夫子謂我翁言何苦悲

人生百年間飲酒能幾時攬衣推琴起視夜仰見河

漢西南移

和聖俞李侯家鴨脚子

鴨脚生江南名實未相浮絳囊因入貢銀杏貴中州

致遠有餘力好竒自賢侯因令江上根結實夷門秋

始摘纔三四金奩獻疑蔬公卿不及識天子百金酬

歲久子漸多纍纍枝上稠主人名好客贈我比珠投

博望昔所徙蒲萄安石榴想其初來時厥價與此侔

今也徧中國籬根及牆頭物性久雖在人情逐時流

惟當記其始後世知來由是亦史官法豈徒續君謳

京師無鴨脚樹駙馬都尉李和文自南方移植于其第

送吳生南歸一作送吳孝宗字子京

自我得曾子於茲二十年今又得吳生既得喜且歎

古士不竝出百年猶比肩區區彼江西其產多材賢

吳生初自疑所擬豈其倫我始見曾子文章初亦然



崑崙傾黃河渺漫盈百川決疏以道一作之漸斂收

橫瀾東溟知所歸識路到不難吳生始見我袖藏新

文篇一作忽從布褐中百寶寫一作馮我前明珠雜璣

貝磊落或不圓問生久懷此柰何初無聞吳生不自

隱欲吐羞俛顏少也不自重不為鄉人憐中雖知自

悔學問苦賤貧自謂久而信力行困彌堅今來決疑

惑幸冀蒙洗滌我笑謂吳生爾其聽我言世所謂君

子何異於眾人眾人為不善積微成滅身君子能自

知改過不逡巡惟於斯二者愚智遂以分顏回不貳

過後世稱其仁孔子過而更日月披浮雲子路初來

時雞冠佩玃豚斬蛟射白額後卒為名臣子既悔其

往人誰禦其新醜夫祀上帝孟子豈不云臨行贈此

言庶可以書紳

樂哉襄陽人送劉太尉從廣一作景元赴襄陽本

無下三字景元蓋字

嗟爾樂哉襄陽人萬屋連薨清漢濱語言輕清微帶

秦南通交廣西峨岷羅縠織麗藥物珍枇杷柑橘薦

清罇磊落金盤爛璘璘槎頭縮項昔所聞黃橙擣一作

新橙擣藟香復辛春雷動地竹走根錦苞玉筍味爭新

鳳林花發南山春掩映谷口葺山門樓臺金碧瓦鱗



鱗峴首高亭倚浮雲漢水如天瀉  
云云斜陽返照白鳥群兩岸桑柘雜  
耕耘文王遺化已寂寞千載誰復  
思其仁荊州漢魏以來重古今相望  
多名臣嗟爾樂哉襄陽人道扶白髮  
抱幼孫遠迎劉侯朱兩一作朱輪  
劉侯年少氣甚淳詩書學問若寒士  
樽俎談笑多嘉賓往時邢洛一作臺  
有善政至今遺愛留其民誰能持  
我詩以往為我先賀襄陽人

奉酬揚州劉舍人見寄之作

原父一作寄 劉原父見寄

別君今幾時歲月如插羽悠悠寢與食  
忽忽朝復暮紛紛竟何為凜凜還自懼  
朝廷無獻納倉廩徒耗蠹

風霜苦見侵衰病日增故江湖豈不思  
懇悃布已屢美哉廣陵公風政傳道路  
優游侍從臣左右天子顧君來一何遲  
我請亦有素何當兩還分尚冀一相遇  
把手或未能尺書幸時寓

西齋手植菊花過節始開偶書奉呈聖俞

秋風吹浮雲寒雨灑清曉鮮鮮牆下菊  
顏色一何好好色豈能常得時仍不早  
文章損精神何用覩天巧四時悲代謝  
萬物惜凋槁豈知寒鑑中兩鬢甚秋草  
東城坡詩翁學問同少年一作小風塵  
世事多日月良會少我有一罇酒念君  
思共倒上浮黃金藥送以清



歌裊爲君發朱顏可以却君老

於劉功曹家見楊直講裊女奴彈琵琶戲作

呈聖俞

大絃聲遲小絃促十歲嬌兒彈啄木啄木不啄新生  
枝惟啄槎牙一作牙枯樹腹花繁蔽日鎖空園樹老參  
天杳深谷不見啄木鳥但聞啄木聲春風和暖百鳥  
語山路磽确行人行啄木飛從何處來花間葉底時  
丁丁林空山靜啄愈響行人舉頭飛鳥驚嬌兒身小  
指撥硬功曹聽冷絃索鳴繁聲急節傾四座爲爾飲  
盡黃金觥楊君好雅心不俗太學官卑飯脫粟嬌兒

兩幅青布裙三脚木牀坐調曲奇書古畫不論價盛  
以錦囊裝玉軸披圖掩卷有時倦卧聽琵琶仰看屋  
客來呼見旋梳洗滿額花鈿貼黃菊雖然可愛眉目  
秀無柰長飢頭頸縮宛陵詩翁勿謂渠人生自足乃  
爲娛此兒此曲翁家無

長句送陸子履學士通判宿州

一本作亳州非

古人相馬不相皮瘦馬雖瘦骨法奇世無伯樂良可  
嗤千金市馬惟市一作其肥驥伏櫪兩耳垂夜聞秋  
風仰秣嘶一朝絡以黃金羈旦刷一作發吳越暮燕雩  
丈夫可憐樵悴時世俗庸庸皆見遺子履自少聲名



馳落筆文章天下知開懷吐骨不自疑世路迫窄多  
穿機鬢毛零落風霜摧十年江湖千首詩歸來京國  
舊遊非大笑相逢索酒卮酒酣猶能弄娥眉山川搖  
落百草腓愛君不改青松枝念君明當整駟駢贈以  
瑤華期早歸豈惟朋友相追隨坐使臺閣生光輝

送公期得假歸絳

風吹積雪銷太行水暖河橋楊柳芳少年初仕即京  
國故里幾歸成鬢霜山行馬瘦春泥滑野飯天寒餽  
粥香留連芳一作物佳節過東帶還來朝未央

送宋道學上赴一作太平州求敏

古堤老柳葺一作揚柳排春煙桃花水下清明前江南太  
守見之笑擊鼓插旗催解船一作打鼓插旗催發船侍中令德  
宜有後學士清才方少年文章秀粹得家法筆畫點  
綴多餘一作逾妍葺書萬卷復強記故事累朝能口傳  
來居侍從乃其職遠致州郡誰謂本多然交游一時  
盡英一作豪俊車馬兩岸來聯翩船頭朝轉暮千里有  
酒胡不為一作不留連

謝觀文王尚書惠西京牡丹舉正

京師輕薄兒意氣多豪俠爭誇朱顏事年少肯慰白  
髮將花插尚書好事與俗殊憐我霜毛苦蕭颯贈以



寄贈洛陽花滿盤鬪麗爭奇紅紫雜兩京相去五百  
里幾日馳來足何捷紫檀金粉香未吐綠萼紅苞露  
猶泥謂我嘗為洛陽客頗向此花曾涉獵憶昔進士  
初登科始事相公沿吏牒河南官屬盡賢俊洛城池  
苑一作藥相連接我時年纔二十餘每到花開如蛺蝶  
姚黃魏紫腰帶鞋潑墨齊頭蔽綠葉鶴翎添色又其  
次此外雖妍猶婢妾爾來不覺三十年歲月纔如熟  
羊胛無情草木不改色多難人生自摧拉見花了了  
雖舊識感物依依幾投睫念昔逢花必沽酒起坐驩  
呼屢傾榼而今得酒復何為愛花繞之空百匝心衰

力懶難勉強與昔一何殊勇怯感公意厚不知報墨

筆淋漓口徒囁

送朱職方提舉運鹽一本云表臣

齊人謹一作定一作鹽筴伯者之事爾計口收其餘登耗以

生齒民充國亦富粲若有條理惟一作非三王法儒

者猶為耻後世益不然權奪由漢始權量自持操屑

屑已甚矣穴竈如蜂房熬波銷海水豈知戴白民食

淡有至死物艱利愈厚令出姦隨起良民陷盜賊峻

法難禁止問官得幾何月課煩笞箠公私兩皆然巧

拙可知已英英職方郎文行粹而美連年宿與泗有



政皆可紀忽來從辟書感激赴知己閃然哀遠人吐  
策獻天子治國如治身四民猶四體柰何窒其一無  
異缺厥趾工作而商行一作與商賈本末相表裏臣請通  
其流為國掃泥滓金錢歸府藏滋味飽閭里利害難  
先言歲月可較比鹽官皆謂然丞相曰可喜適特乃  
為才高論徒譎詭夷吾苟今一作復出未以彼易此隋  
堤樹珍珍汴水流瀾瀾子行其勉旃吾黨方傾耳

嘗新茶呈聖俞

建安三千里京師三月嘗新茶人情好先務取勝百  
物貴早相矜誇年窮臘盡春欲動蟄雷未起驅龍一作

龍未起驅蟲地夜聞擊鼓滿山谷千人助叫聲喊呀萬木

寒癡睡不醒惟有此樹先萌芽乃知此為最靈物宜  
一作其獨得天地之英華終朝採摘不盈掬通犀銜

小圓復窳鄙哉穀雨鎗與旗多不足貴如刈麻建安  
太守急寄我香朶包裹封題斜泉甘器繁天色好坐

中揀擇客亦嘉一作佳新香嫩色如始造不似來遠從

天涯停匙側盞試水路拭目向空看乳花可憐俗夫

把金錠一作錫茶錄多用錠字為古按集韻錠字去聲訓錠錠字上聲訓銅鐵撲猛

火炙背如蝦蟇由來真物有真賞坐逢詩老頻咨嗟

須臾共起索酒飲何異奏雅終淫生



次韻再作一本云

茶歌

吾年向老世味薄所好未衰惟飲茶建溪苦遠雖不  
 到自少嘗見閩人誇每啜江浙凡茗草叢生狼藉惟  
 藏今江浙茶園豈如含膏入香作金餅蜿蜒兩龍  
 戲以呀其餘品第亦奇絕愈小愈精皆露芽泛之白  
 花如粉乳乍見紫面生光華手持心愛不欲碾有類  
 玉印幾成窰論功可以療百疾輕身久服勝一作胡  
 麻我謂斯言頗過矣其實最能祛睡邪茶官貢餘偶  
 分寄地遠物新來意嘉親烹屢酌不知厭自謂此樂  
 真一作無涯未言久食成千顫已覺疾飢一作生眼

花客遭水厄疲捧碗口吻無異蝕月暮僮奴傍視疑  
 復笑嗜好乖僻誠堪嗟更蒙酬句怪可駭見曹助噪  
 聲哇哇

樂郊詩

為劉原甫作一本注原父鄆州東園也

樂郊何所樂所樂從公遊三日公不出其民感然愁  
 一聞車馬音從者如雲浮吾聞鄆之人無乃失業不  
 云惟安其業然後樂其休樂郊何所有胡不考公詩  
 有山在其東有水出透夷有臺以臨望有沼以游嬉  
 俯仰迷上下朱欄映清池草木非一種青紅隨四時  
 其餘雖瑣屑處置各有宜樂郊何以名吾為本其意



自古賢哲人所存非一世當時偶然迹來者因不廢  
鄆非公久留公去民孰賴此亭公所登此樹公所憇  
俾民百年思豈取一日醉

洗兒歌

為聖俞作一本云前日送酒遂以助  
洗兒輒成短歌更資一笑呈聖俞

月暈五色如虹蜺深山猛虎夜生兒虎兒可愛一作

光陸離開眼已有百步威詩翁雖老神骨秀想見嬌

嬰目與眉木星之精為紫氣照山生玉水生犀兒一作

此翁不比他兒翁三十年名天下知材高位下眾所

惜天與此兒聊慰之翁家洗兒眾人喜不一作惜金

錢散閭一作里宛陵他日見高門車馬煌煌梅氏子

鳴鳩

崇政殿後  
考試所作

天將陰鳴鳩逐婦鳴中林鳩婦怒啼無好音天雨止

鳩呼婦歸鳴且喜婦不亟歸一作呼不已逐之其去

恨不早呼不肯來固其理吾老病骨知陰晴每愁天

陰聞此聲日長思睡不可得遭爾聒聒何時停眾鳥

笑鳴鳩爾拙固無匹不能娶巧婦以共營家室寄巢

生子四散飛一身有婦長相失夫婦之恩重太山背

恩棄義須臾間心非無情不得已物有至拙誠可憐

君不見人心百態巧且艱臨危利害兩相關朝為親

戚暮仇敵自古常嗟交道難



代鳩婦言

一本注聞士有欲弃妻者作

斑然錦翼花簇簇雄雌相隨樂不足抱雛出卵翅羽

成豈料一朝還反目人言嫁雞逐雞飛安知嫁鳩被

鳩逐古來有盛必有衰富貴莫忘貧賤時女棄父母

嫁一作婦曰歸中道捨君何所之天生萬物各有類誰

謂鳥獸為無知雖無仁義有情愛苟聞此言寧不悲

看花呈

一本有韓子華內翰崇政殿後考試作

老雖可憎還可嗟病眼眇昏愁看花不知花開桃與

李但見紅白何交加春深雨露洗新濯日暖金碧相

輝華浮香著物收不得含意欲吐情無涯可愛踈簾

靜相對最宜落日初西斜時傾賜壺共斟酌及此蜂

鳥方誼譁凡花易見不足數禁籞難到堪歸誇老病

對此不知賦年少何用苦思家

啼鳥

崇政殿後考試舉人卷子作

提葫蘆提葫蘆不用沽美酒官

一作官壺日賜新撥醅

老病足以扶衰朽百舌子百舌子莫道泥滑滑官花

正好愁雨來暖日相催花亂發苑樹千重綠暗春珍

禽綵羽自成群花開祗慣迎黃屋鳥語初驚見外人

千聲百轉忽飛去

一作來枝上自落紅紛紛畫簾陰陰

隔宮燭禁漏杳杳深千門可憐枕上五更聽不似滌



州山裏聞

和聖俞唐書局後叢莽中得芸香一本之作  
用其韻

有芸黃其華在彼衆草中清香濯曉露秀色搖春風  
幸依華堂陰一顧曾不蒙大雅彼君子偶來從學宮  
文章高一世論議一作伏群公多識由博學新篇匪  
雕蟲唱酬爛衆作光輝發幽叢在物苟有用得時寧  
久窮可嗟凡草木糞壤自青紅

答劉原父舍人見過後中夜酒定復追昨日  
所覽雜記并簡梅聖俞之作

君子忽我顧一作顧我貧家復何有虛堂來清風佳果薦  
濁酒簡編記遺逸論議相可否欲知所書人其骨多  
已朽前者既已然後來寧得久所以昔人云杯行莫  
停手



歐陽文集卷八

古詩二十一首

有贈余以端谿綠石枕與蘄州竹簟皆佳物也余既喜睡而得此二者不勝其樂奉呈原父舍人聖俞直講

端谿琢出缺月樣蘄州織成雙水

錦一作紋呼兒置枕

展方簟赤日正午天無雲黃琉璃光綠玉潤瑩淨冷

滑無埃

一作纖塵憶昨開封暫陳力屢乞殘骸避煩劇

聖君哀憐大臣閔察見衰病非虛飾猶蒙不使如

加罪去特許遷官還舊職選材臨事不堪用見利無



慙惟苟得一作從儻舍屋一作居城南官不坐曹門一作

少客自然唯與睡相宜以懶遭一作閑何愜適從來

羸爾苦疲困况此煩歎正炎赫少壯喘息人莫聽中

年鼻鼾尤惡聲癡兒掩耳謂雷作竈婦驚窺疑金鳴

蒼蠅蟻蠓任緣撲蠹詩一作書懶架拋縱橫神昏氣濁

一如此言語思慮何由清嘗聞李白好飲酒欲與鐘

杓同生死一作我今好睡又過之身與二物為三爾

江西得請在旦暮收拾歸裝從此始終當卷簾携枕

去築室買田清潁尾

夜聞風聲有感奉呈原父舍人聖俞直講

夜半群動息有風生樹端颯然飄我衣起坐為長歎

苦暑君勿厭初涼君勿歡暑在物猶盛涼歸歲將寒

清霜忽以飛零露亦溥溥霜露一作本無情豈肯私

薰蘭不獨草木爾君形安得完櫛髮變新白鑑容銷

一作故丹風埃共侵迫心志亦摧殘萬古一飛隼兩

曜雙跳丸擾擾賢與愚流沙逐驚湍其來固如此獨

久知誠難服食為藥悞此言真不刊但當飲美酒何

必被輕紕

答梅聖俞大雨見寄

夕雲若頽山夜雨如決渠俄然見青天燄燄升蟾蜍



倏忽陰氣生，四面如吹噓。狂雷走昏黑，驚電照夔魑。  
搜尋起龍蟄，下擊墓與墟。雷聲每軒轟，雨勢隨疾徐。  
初若浩莫止，俄收閭無餘。但掛千丈虹，紫翠橫空虛。  
頃刻百變態，晦明誰卷舒。豈知下土人，水潦沒襟裾。  
擾擾泥淖中，無異鴨與豬。嗟我來京師，庇身無弊廬。  
閑坊儻古屋，卑陋雜里閭。鄰注湧溝竇，街流溢庭除。  
出門愁浩渺，閉戶恐為豬。牆壁豁四達，幸家無貯儲。  
蝦蟆鳴竈下，老婦但欲歔。九門絕來薪，朝爨欲毀車。  
厭弱委性命，焉能顧圖書。乃知生堯時，未免憂為魚。  
梅子猶念我，寄聲憂我居。慰我以新篇，琅琅比瓊瑤。

官閑行能薄，補益愧空踈。歲月行晚矣，江湖盍歸歟。  
吾居傳郵爾，此計豈躊躇。

答聖俞白鸚鵡雜言

憶昨滁山之人，贈我玉兔子。粵明年春，玉兔一有死子字死。  
日陽晝出，月夜明。世言兔子望月生，謂此瑩然而白。  
者譬天水之為雪，而為冰，皆得一陰凝結之純精。常

恨處非大荒窮北極寒之曠野，養違其性，天厥齡。豈

知火維地荒絕，漲海連天沸天。一作火執黃冠黑距

人語言有鳥玉衣，尤皎潔。乃知物生天地中，萬殊難

以一理通。海中洲一作島窮人迹來市廣州纔八國



其間注輦來最稀

一作遠

此鳥何年隨海舶誰能徧歷

海上峯萬怪奇安可極兔生明月月在天玉兔不

能久人間况爾來從炎瘴地豈識中州霜雪寒渴雖

有飲飢有啄羈絀終知非爾樂天高海闊路

一作終

茫嗟爾身微羽毛弱爾能識路知所歸吾欲開籠縱

爾飛俾爾歸詫死陵詩此老詩名聞四夷

清明前一日韓子華以靖節斜川詩見招遊

李園既歸遂苦風雨三日不能出窮坐一室

家人輦倒殘壺得酒數杯泥深道路無人行

去市又遠索於筐筥得枯魚乾鰕數種彊飲

疾醉昏然便寐既覺索然因書所見奉呈聖

俞

少年喜追隨老大厭誼譁慙愧二三子邀我行看花

花開豈不好時節亦云嘉因病既不飲眾歡獨成一作

我嗟管絃暫過耳風雨愁還家三日不出門堆豕類

寒鴉妻兒強我飲釘餌果與瓜濁酒傾殘壺枯魚雜

乾鰕小婢立我前赤脚兩髻丫軋軋鳴雙絃正如艣

嘔啞坐令江湖心浩蕩思無涯寵祿不知報鬢毛今

已華有田清潁間尚可事桑麻安得一黃犢幅巾駕

柴車



奉答原父見過寵示之作

不作流水聲行將二十年吾生少賤足憂患憶昔有  
罪初南遷飛帆洞庭入白浪墮淚三峽聽流泉援琴  
寫得入此曲聊以自慰窮山間中間永陽亦如此醉  
卧幽谷聽潺湲自從還朝戀榮一作寵不覺鬢髮俱  
凋殘耳衰聽重手漸顫自昔指法將誰傳偶欣日色  
曝書畫試拂塵埃張斷絃嬌兒癡女繞翁膝爭欲彊  
翁聊一彈紫微閣老適我過愛我指下聲泠然戲一作  
語君此是伯牙曲自古常歎知音難君雖不能琴能  
得琴一作其意斯為賢自非樂道甘寂寞誰肯顧我相

留連興闌束帶索馬去却鎖塵匣包青氈

會飲聖俞家有作兼呈原父景仁聖從

憶昨九日訪君時正見階前兩叢菊愛之欲繞行百  
匝庭下不能容我足折花却坐時嗅之已醉還家手  
猶馥今朝我復到君家兩菊階前猶對東枯莖槁葉  
苦風霜無復滿叢金間綠京師誰家不種花碧砌朱  
欄敞華屋柰何來對兩枯株共坐窮簷何局促詩翁  
文字發天葩豈比青紅凡草木凡草開花數日間天  
葩無根長在目遂令我每飲君家不覺長餅卧牆曲  
坐中年少皆賢豪莫怪我今雙鬢禿須知朱顏不可



恃有酒當歡一作飲且相屬

依韻奉酬聖俞二十五兄見贈之作

與君結交遊我最先衆人我少既多難君家常苦貧  
今為兩衰翁髮白面亦皴念君懷中玉不及市上珉  
珉賤易為價玉棄久埋塵惟能吐文章白虹射星辰  
幸同居京城遠不隔重闈朝罷二三公隨我如魚鱗  
君聞我來喜置酒留逡巡不待主人請自脫頭上巾  
歡情雖漸鮮老意益相親窮達何足道古來茲理均  
小飲坐中贈別祖擇之赴陝府無擇  
明日君當千里行今朝始共一罇酒豈惟明日難重

持試思此會何嘗有京師九衢十二門車馬煌煌事  
奔走花開誰得屢相過盞到莫辭頻舉手驩情落寞  
酒量減置我不須論老朽柰何公等氣方豪雲夢正  
當吞八九擇之名聲重當世少也多竒晚方偶西州  
政事藹風謠右掖文章煥星斗待君歸日我何為手  
把鋤犁汝陰叟

奉答聖俞達頭魚之作

吾聞海之大物類無窮極蟲鰕淺水間羸蜺如山積  
毛魚與鹿角一俞拾一作數十百收藏各有時嗜好無  
南北其微一作小既若斯其大有一一作其大固莫測波



濤浩渺中島嶼生頃刻俄而沒不見始悟一作始出背

春有時隨潮來暴死疑遭謫海人相呼集刀鋸爭剖

一作斫析骨節駭專車鬚芒一作牙伴劔戟腥聞數十里

餘臭久乃息始知百川歸固有含容德潛竒與秘寶

萬狀一作物不一識嗟彼達頭微誰傳到一作偶傳到

京國乾枯少滋味治平聲洗費炮炙聊茲知異物豈足

薦佳客一旦辱一作得君詩虛名從此得京師人不識

防禦見寄少分聖俞辱以詩答

### 送刁紡推官歸潤州

翹翹名家子自少能慷慨嘗從幕府辟躍馬臨窮塞

是時西邊兵屢戰輒一作無奔潰歸來買良田俛首

學秉耒家為白酒醇門掩青山對優游可以老世利

何足愛奈何從所知又欲向并代主人忽南遷此計

亦一作乃中悔彼在吾往一作乃從彼去吾亦退與人交

若此可以言節槩

### 夜坐彈琴有感二首呈聖俞

吾愛陶靖節有琴常自隨無絃人莫聽此樂有誰知

君子篤自信衆人喜隨時其中苟有得外物竟何爲

寄謝伯牙子何須鍾子期

鍾子忽已死伯牙其已乎絕絃謝世人知音從此無



瓠巴魚自躍此事見於書師曠嘗一鼓群鶴舞空虛  
吾恐二三說其言皆過歟不然古今人愚智邈已殊  
柰何人有耳不及鳥與魚

二月雪

寧傷桃李花無損杞與菊杞菊吾所嗜惟恐食不足  
花開少年事不入老夫目老夫無遠慮所急在口腹  
風晴日暖雪初銷踏泥自採籬邊綠

歸田四時樂春夏二首

秋冬二首命聖俞分作

春風二月三日時農夫在田居者稀新陽晴暖動膏  
脉野水泛濫生光輝鳴鳩聒聒屋上啄布穀翩翩桑

下飛碧山遠映丹杏發青草暖眠黃犢肥田家此樂  
知者誰吾獨知之胡不歸吾已買田清潁上更欲臨  
流作釣磯

南風原頭吹百草草木叢深茅舍小麥穗初齊稚子  
嬌桑葉正肥蠶食飽老翁但喜歲年熟餉婦安知時  
節好野棠梨密啼晚鶯海石榴紅轉山鳥田家此樂  
知者誰我獨知之歸不早乞身當及疆徼時顧我蹉  
跎已衰老

明妃曲和王介甫作

胡人以鞍馬爲家射獵爲俗泉甘草美無常處鳥驚



獸駭爭馳逐誰將漢女嫁胡兒風沙無情貌如玉身  
行不遇中國人馬上自作思歸曲推手為琵琶却手瑟  
胡人共聽亦咨嗟玉顏流落死天涯琵琶一作却傳  
來漢家漢宮爭按新聲譜遺恨已深聲更苦織織女  
手生洞房學得琵琶不下堂不識黃雲出塞路豈知  
此聲能斷腸

盆池

西江之水何悠哉經歷瀟石險且回餘波拗怒猶作  
獨涵去澹奔濤擊浪常喧逐有時夜上滕王閣月照  
淨練一作綠無纖埃楊闌左里在其北無風浪起傳古

來老蛟深處狀窟穴蛇身微行見者猜呼龍瀝酒未  
及祝五色粲一作照爛高崔嵬忽然遠引千丈去百里  
水面中分開收蹤滅跡莫知處但有雨雹隨風雷千  
竒萬變聊一戲豈一作肯顧溺死為可哀輕人之命若  
螻蟻不止山嶽將傾頽此外魚鰕何足道狀飫但覺  
腥盤杯壯哉豈不快耳目胡為守此空牆隈陶盆斗  
水仍下漏四岸久雨生莓苔遊魚潑潑不盈寸泥潛  
日炙愁暴鯁魚誠不幸此竭促我能決去反徘徊

再和明妃曲

漢宮有佳一作美人天子初未識一朝隨漢使遠嫁單



于國絕色天下無一失難再得雖能殺畫工於事竟  
何益耳目所及尚如此萬里安能制夷狄漢計誠已  
拙女一作美色難自誇明妃去時淚灑向枝上花狂風  
日暮起飄泊落誰家紅顏勝人多薄命莫怨春風當  
自嗟

奉送原甫侍讀出守永興

一作奉送永興安撫劉侍讀

酌君以荊州魚枕之蕉贈君以宣城鼠鬚之管酒如  
長虹飲滄海筆若駿馬馳平坂愛君尚年一作少力方  
豪嗟我久衰歡漸鮮文章驚世知一作聞名早意氣論  
交相得晚魚枕蕉一舉十分當覆盞鼠鬚管為物雖

微情不淺新詩醉墨時一揮別後寄我無辭遠

哭聖俞

昔逢詩老伊水頭青衫白馬渡伊流灘聲八節響石  
樓坐中辭氣凌清一作高秋一飲百盞不言休酒酣思  
逸語更道河南丞相稱賢侯後車日載枚與鄒我年  
最少力方優明珠白璧相報投詩成希深擁鼻謳師  
魯卷舌藏戈矛三十年間如轉眸屈指十九歸山丘  
凋零所餘身百憂晚登玉墀侍珠旒詩老薤塹大學  
愁乖離會合謂無由此會天幸非人謀頷鬚已白齒  
根浮子年加我貌則不歡猶可彊閑屢偷不覺歲月



成淹留文章落筆動九州金甌過午無饋餽良時易  
失不早收篋櫝一作瓦礫遺琳瑯薦賢轉石古所尤  
此事有職非吾羞命也難知理莫求名聲赫赫掩諸  
幽翩然素旆歸一舟送子有淚流如溝

歐陽文集卷八

歐陽文集卷九

古詩三十首

寄題劉著作義叟家園效聖俞體

嘉子治新園乃在太行谷山高地苦寒當樹所宜木  
羣花媚春陽開落一何速凜凜心節竒惟應松與竹  
母我當暑槿寧種深秋菊菊死抱枯枝槿豔隨昏旭  
黃楊雖可愛南土氣常燠未知經雪霜果自保其綠  
顏色苟不衰始知根性足此外衆草花徒能悅凡目  
千金買姚黃慎勿同流俗

西齋小飲贈別陝州冲卿學士

分得黃字爲韻



今日胡不樂衆賓會高堂坐中瀛洲客新佩太守章  
豈無芳樽酒笑語共一觴亦有嘉一作佳菊叢新苞弄  
微黃所嗟時易晚節物已淒涼群鷺方盛集離鴻獨  
高翔山川正搖落行李怯風霜君子樂爲政朝廷須  
儁良歸來紫微閣遺愛在甘棠

奉答原甫九月八日見過會飲之作

老大惜時節少年輕別離我歌君當和我酌君勿辭  
豔豔庭下菊與君吟繞之擷其黃金蕊泛此白玉卮  
君勿愛此花問君此何時秋風日益高霜露漸離披  
芳歲忽已晚朱顏從此衰念君將捨我車馬去有期  
君行一何樂我意獨不怡飛兔不戀群奔風誰能追  
老驥但伏櫪壯心良可悲

予作歸鴈亭於滑州後十有五年梅公儀來

守是邦因取予詩刻于石又以長韻見寄因

以答之

一作和滑州公儀  
龍圖歸鴈亭長句

風吹城頭秋草黃仰見鳴鴈初南翔秋草風吹春復  
綠南鴈北飛聲肅肅城下臺邊桃李蹊憶初披荒手  
植之雪消冰解草木動因記鴻一作欲鴈將歸時爾  
來十載空遺迹飛鴈年年自南北臺傾餘址草荒涼  
樹老無花春寂歷東州太守詩尤美組織文章爛如



綺長篇大句琢方石一日都城傳百紙我思古人無  
不然慷慨一作感槩功名垂百年沉碑身後念陵谷把酒  
泣下悲山川一時留賞雖邂逅後世傳之因不朽

寄題洛陽致政張少卿靜居堂

洛人皆種花花發有時闌君家獨種玉種玉產琅玕  
子弟守家法名聲聳朝端歲時歸拜慶閭里亦相歡  
西臺有道氣自少服靈丸春酒養眉壽童顏如渥丹  
清談不倦客妙思喜揮翰壯也已吏隱與餘方掛冠  
臨風想高誼懷祿愧盤桓

鬼車

嘉祐六年秋九月二十有八日天愁無光月不出浮  
雲蔽天衆星沒舉手嚮空如抹漆天昏地黑有一物  
不見其形但聞其聲其初切切淒淒或高或低乍似  
玉女調玉笙衆管參差而不齊既而咿咿啾啾若軋  
若抽又如百兩江州車回輪轉軸聲啞嘔鳴機夜織  
錦江上群鴈驚起蘆花洲吾謂此何聲初莫窮端由  
老婢撲燈呼兒曹云此恠鳥無匹儔其名爲鬼車夜  
載百鬼凌空遊其聲雖小身甚大翅如車輪排十頭  
凡鳥有一口其鳴已啾啾此鳥十頭有十口口插一  
舌連一一作啖口出一聲千聲百響更相酬昔時



周公居東周，馱聞此鳥憎。若讎夜呼庭，氏率其屬鬻。  
弧俾逐出九州，射之三發不能中。天遣天狗從空投，  
自從狗噬一頭落，斷頸至今青血流。爾來相距三千  
秋，晝藏夜出如鴝鷓。每逢陰黑天外過，乍見火光驚  
輒墮。有時餘血下點污，鳥卧反所遭之家家必破我。聞  
此語驚且疑，反祝疾飛無我禍。我思天地何茫茫，百  
物巨細理莫詳。吉凶在人不在物，一蛇兩頭反為祥。  
却呼老婢炷燈火，捲簾開戶清華堂。須臾雲散衆星  
出，夜靜皎月流清光。

感二子

黃河一千年一清，波山鳴鳳不再載。

一作

鳴自從蘇梅

二子死，天地寂默收雷聲。百蟲坏戶不啓，蟄萬木逢  
春不發萌。豈無百鳥解言語，喧啾終日無人聽。二子  
精思極搜抉，天地鬼神無遁情。及其放筆騁豪俊，筆  
下萬物生光榮。古人謂此覩天巧，命短疑為天公憎。  
昔時李杜爭橫行，麒麟鳳凰世所驚。二物非能致太  
平，須時太平然後生。開元天寶物盛極，自此中原疲  
戰爭。英雄白骨化黃土，富貴何止浮雲輕。唯有文章  
爛日星，氣凌山岳常崢嶸。賢愚自古皆共盡，突兀空  
留後世名。



讀書

吾生本寒儒老尚把書卷眼力雖已疲心意殊未倦  
 正經守唐虞偽說起秦漢篇章異句讀解詁及箋傳  
 是非自相攻去取在勇斷初如兩軍一作兵交乘勝方  
 多一作酣戰當其旗鼓催不覺人馬汗至哉天下樂終  
 日在几書一作案念昔始從師力學希仕宦豈敢取聲  
 名惟期脫貧賤忘食日已晡燃薪夜侵旦謂言得志  
 意一作後便可焚筆硯少償辛苦時惟事寢與餒歲月  
 不我留一生今過半中間嘗忝竊內外職文翰官榮  
 日清近廩給亦豐羨人情慎所習醜毒比安宴漸追

時俗流稍稍學營辦盃盤窮水陸賓客羅俊彥自從  
 中年來人事攻百箭非惟職有憂亦自老可歎形骸  
 苦衰病心志亦退惴前時可喜事閉眼不欲見惟尋  
 舊讀書簡編一作編簡多朽斷古人重溫故官事幸有閒  
 乃知讀書勤其樂固無限少而干祿利老用忘憂患  
 又知物貴久至寶見百鍊紛華暫時好俯仰浮雲散  
 淡泊味愈長始終殊不變何時乞殘骸萬一免罪譴  
 買書載舟歸築室一作屋賴水岸平生頗論述銓次加  
 點竄庶幾垂後世不默死芻豢信哉蠹書魚韓子語  
 非訕



鴨鴉詞效王 建作

龍樓鳳闕一作閣鬱崢嶸深宮不聞更漏聲紅紗蠟燭

愁夜短綠窗鴨鴉催天明一聲兩聲人漸起金井轉

轆聞汲水三聲四聲促嚴粧紅鞵玉帶奉君王萬年

枝軟風露濕上下枝間聲轉急南衙促仗三衛列九

門放鑰千官入重城禁籞鎖池臺此鳥飛從何處來

君不見潁河東岸村一作春陂闊山禽野鳥常時一作嘲

啮田家惟聽夏雞聲鴨鴉京西村人謂之夏雞夜夜隴頭耕曉月

可憐此樂獨吾知眷戀君恩今白髮

初食雞頭有感一本無有感字

六月京師暑雨多夜夜南風吹艾背疑祥池鎖會靈

園僕射荒陂安可擬京師賣五岳宮及鄭州雞頭最為佳爭先園客採

新苞剖蚌得珠從海底都城百物貴新鮮厥價難酬

與珠比金盤磊落何所薦滑臺撥醅如玉醴自慙竊

食萬錢厨滿口飄浮嗟病齒却思年少在江湖野艇

高歌菱苳裏香新味全手自摘玉潔沙磨軟還美一

瓢固不羨五鼎萬事適情為可喜何時遂一作買潁

東田歸去結茅臨野水

雙井茶

西江水清江石老石上生茶如鳳爪窮臘不寒春氣



早雙井芽生先百草白毛囊以紅碧紗十斤茶養二  
兩芽長安富貴五侯家一啜猶須三日誇寶雲日注  
非不精爭新棄舊世人情豈知君子有常德至寶不  
隨時變易君不見建溪龍鳳團不改舊時香味色

贈李士寧

蜀狂士寧者不邪亦不正混世使人疑詭譎非一行  
平生不把筆對酒時高詠初如不著意語出多奇勁  
傾財解人難去不道名姓一無上六句金一作千錢買酒醉  
高樓明月空床清風一作眠不醒一身四海即為家獨行  
萬里聊乘興既不採藥賣都市又不點石化黃金進

不干公卿退不隱山林與之游者一本四字但愛其

人而莫一作不見其術安知其心吾聞有道之士游心

太虛逍遙出入一本二句止常一作動與道俱故能入

火不熱一作焚入水不濡嘗聞其語一作吾雖而未見

其人也豈斯人之徒與不然言不純師行不純德作

表而一本無滑稽玩一作傲世其東方朔之流乎

明妃小引

漢宮諸女嚴粧罷共送明妃溝水頭溝上水聲來不  
斷花隨水去不回流上馬即知無返日不須出塞始  
堪愁



感事四首

老者覺時速閒人知日長日月本無情人心有閒忙  
努力取功名斷碑埋路傍逍遙林下士丘壠亦相望  
長生既無藥濁酒且盈觴

空山一道十辛苦學延齡一旦隨物化反言仙已成  
開墳見空棺謂已超青冥戶一作或解如蛇蟬換骨蛻  
其形既云須變化何不任死生

仙境不可到誰知仙有無或乘九斑虬或駕五雲車  
朝倚扶桑枝暮遊崑崙墟往來幾萬里誰復遇諸塗  
富貴不還鄉安事富貴歟仙人不見魑魅與為徒

人生不免死魂魄入幽都仙者得長生又云超太虛  
等為不在世與鬼亦何殊得仙猶若此何況不得乎  
寄謝山中人辛勤一何愚

莫笑學仙人山中苦岑寂試看青松鶴何似朱門客  
朱門炙手熱來者無時息何嘗問寒暑豈暇謀寢食  
疆顏悅憎怨擇語防仇敵衆欲苦無狀有求期必獲  
敢辭一身勞豈塞天下責風波卒然起禍患藏不測  
神仙雖杳茫富貴竟何得

新春有感寄常夷甫

余生本羈旅自少已非壯今而老且病何用苦惆悵



誤蒙三聖知貪得過其量恩私未知報心志已凋喪  
軒裳德不稱徒自取譏謗豈若常夫子一瓢安陋巷  
身雖草莽間名在朝廷上惟余服德義久已慕恬曠  
矧亦有吾廬東西正相望不須駕柴車自可策藜杖  
坐驚顏髮日摧頽及取新春歸去來共載一舟浮野  
水焦陂四面百花開

昇天檜

青牛西出關老聃始著五千言白鹿去昇天爾來忽  
已三千年當時遺迹至今在隱起蒼檜猶依然惟能  
乘變化所以為神仙驅鸞駕鶴須臾間飄忽不見如

雲煙奈何此鹿起平地更假草木相攀緣乃知神仙  
事茫昧真偽莫究徒自傳雪色不改終古色風雨有  
聲當夏寒境清物老自可愛何必詭怪窮根源

憶焦陂

一本無憶字  
注汝陰作

焦陂荷花照水光未到十里聞花香焦陂八月新酒  
熟秋水魚肥鱠如玉清河兩岸柳鳴蟬直到焦陂不  
下船笑向漁翁酒家保金龜可解不須錢明日君恩  
許歸去白頭酣詠太平年

贈許道士

洛城三月鶯亂飛潁陽山中花發時往來車馬遊山



客貪看山花踏山石紫雲仙洞鎖雲深洞中有人人  
不識飄飄許子旌陽後道骨仙風本仙胄多年洗耳  
避世喧獨卧寒巖聽山溜至人無心不算心無心自  
得無窮壽忽來顧我何慙歎笑我白髮老紅塵子歸  
為築巖前室待我明年乞得身

送龍茶與許道士

潁陽道士青霞客來似浮雲去無蹟夜朝北斗太清  
虛一作壇不道姓名人不識我有龍團古蒼壁九龍泉  
深一百尺憑君汲井試烹之不是人間香味色

馴鹿

朝渴飲清池暮飽眠深柵慙媿主人恩自非殺身難  
報德主人施恩不待報哀爾胡為網羅獲南山鵲鵲  
動春陽吾欲縱爾山之傍巖崖雪盡飛泉溜澗谷風  
吹百草香飲泉齧草當遠去山後山前射生戶

留題齊州舜泉

岸有時而為谷海有時而為田虞舜已歿三千年耕  
田浚井雖鄙事至今遺迹存依然歷山之下有寒泉  
向此號泣于旻天無情草木亦改色山川慘淡生雲  
煙一朝垂衣正南面臯夔稷契來聯翩功高德大被  
萬世今人過此猶留連齊州太守政之暇鑿渠開沼



疏清漣遊車擊轂惟恐後衆卉亂發如爭先豈徒邦  
人知樂此行客亦為留征軒

山齋戲書絕句二首

蜜脾未滿蜂採花麥壠已深鳩喚一作雨正是山齋  
睡足時不覺花間日亭午

經春老病不出門坐見羣芳爛如雪正當年少惜花  
時日日春風吹石裂

嘲少年惜花

紛紛紅紫落泥沙少年何用苦咨嗟春風自是無情  
物肯為汝惜無情花今年花開明年好但見花開人

自老人老不復少一作復花開還更一作復新使花如解語應

笑惜花人

出郊見田家蠶麥已成慨然有感

誰謂田家苦田家樂有時車唱遮鳴緜白繭麥熟轉

黃鸝田家此樂幾人知幸獨知之未許歸逢時得寵  
已踰分報國無能徒爾為收取玉堂揮翰手却尋南  
畝把鋤犁

射生戶予初至州獵戶有獻狼豹者

射生戶前日獻一豹今日獻一狼豹因傷我牛狼因  
食我羊狼豹誠為害人物縣官賞之縑五疋射生戶



持縑歸為人除害固可賞貪功趨利爾勿為弦弓毒  
矢無妄發恐爾不識麒麟兒

戲石唐山隱者

石唐仙室紫雲深潁陽真人此笑心真人已去升寒  
廓歲歲巖花自開落我昔曾為洛陽客偶向巖前坐  
盤石四字丹書萬仞崖神清之洞鎖樓臺雲深路絕  
無人到鸞鶴今應待我來

歐陽文集卷九

歐陽文集卷十

律詩六十首

送王汲宰藍田

喧喧動車馬共出古都門落日催行客東風吹酒罇  
樹圍秦甸綠花入輞川繁若遇西來旅時應問一作望  
故園

徽安門曉望

都門收宿霧佳氣鬱葱葱曉日寒川上青山白霧作  
露中樓臺萬瓦合車馬九衢通恨乏登高賦徒知京  
邑雄



送孟都官知蜀州

名郎出粉闈佳郡古關西幾驛秦亭盡千山蜀鳥啼  
朱輪照耕野綠芋覆秋畦向闕應東望雲深隴樹迷  
南征回京至界上驛先呈城中諸友

朝雲來少室日暮向箕山本以無心出寧隨倦客還  
春歸伊水綠花晚洛橋閒誰有餘樽酒相期一解顏

逸老亭

一本注彭城公白蓮花

上相此忘榮怡然物外情池光開小幌山翠入重城  
野鳥窺華袞春壺勞耦耕枕前雙鴈沒雨外一川晴  
解組金龜重調琴赤鯉驚雖懷安石趣豈不為一作念

蒼生

廣愛寺

都人布金地紺宇巋然存山氣蒸經閣鐘鼓出國門  
老杉春自綠古壁雨先昏應有幽人屐來留石蘚痕

弔黃學士三首

名鑑

麗正讎書久蘭臺約史成迎親就江水馱直出承明  
世德無雙譽詩豪第一評風流今頓盡響像憶平生  
沈約多清瘦文園仍病消共疑天上召更欲水邊招  
金馬人相弔長沙物易妖秋風吹越樹歸旄自飄飄  
自古蘭衰早因令蕙嘆深書遺茂陵藁病作越鄉吟



嵩里無春色，閩山蔽夕陰。空嗟埋玉樹，齋志永沉沉。

雨後獨行洛北

北闕望南山，明嵐雜紫烟。歸雲向嵩嶺，殘雨過伊川。  
樹繞芳隄外，橋橫落照前。依依半荒苑，行處獨聞蟬。

陪府中諸官遊城南一本注西京作

一雨郊圻迥，新秋榆棗繁。田荒谿溜入，禾熟雀聲喧。  
燒出空槎腹，人耕廢廟垣。閒追向城客，落日隱高原。

智蟾上人遊南嶽

終日念雲壑，南歸心浩然。青山入楚路，白水望湖田。  
野渡惟浮鉢，山家少施錢。到時春尚早，收茗綠嶺前。

送左殿丞一作入蜀

傳聞蜀道難，行客若登天。紫竹深無路，黃花忽見川。  
聞禽嗟異域，問俗訪耆年。欲識京都遠，惟應望日邊。

秋郊曉行一作望

寒郊桑柘稀，秋色曉依依。野燒侵河斷，山鷗向日飛。  
行歌採樵去，荷鋤刈一作田歸一作酒家一作家熟相

邀白竹扉

被牒行縣因書所見呈寮友

周禮恤凶荒，軺車出四方。土龍朝祀雨，田火夜驅蝗。  
木落孤村迥，原高百草黃。亂鷗鳴古堞，寒雀聚空倉。



桑野人行盃魚陂鳥下梁晚煙茆店月初日棗林霜  
墜戶催寒候叢祠禱歲穰不妨行覽物山水正蒼茫

候氏縣作

亭候微郊畿人家嶺坂西青山臨古縣綠竹繞寒谿  
道上行收穗桑間晚漑畦東臯有深趣便擬卜幽棲  
又行次作

秋色滿郊原人行禾黍間雉飛橫斷澗燒響入空山  
野水蒼煙起平林夕鳥還嵩嵐久不見寒碧更羸顏

送梅秀才歸宣城

從學方年少還家罄橐金久爲江北客能作洛生吟

罷亞霜前稻鉤輦竹上禽歸帆何處落應拂野梅林

鞏縣陪祭獻懿二后回孝義橋道中作

落日漢陵道初寒慘暮颯遙看山口火暗渡洛川橋  
不見新園樹空聞引苑簫林鷓棲已定猶獨一作此倦

征鑣

送謝學士歸闕

供帳拂朝煙征鞍去莫攀人醒風外酒馬度雪中關  
舊府誰同在新年獨未還遙應行路者偏識綵衣斑

河南王尉西齋

寒齋日蕭索天外敞簷楹竹雪晴猶覆山窻夜自明



禽歸窺野客雲去入重城欲就陶潛飲應須載酒行

張主簿東齋

官舍掩寒扉聊同隱者棲溪流穿竹過一作山鳥入

城啼賓主高談勝心冥外物齊惟應朝枕夢長歇隔

鄰一作鷄

留守相公禱雨九龍祠應時獲澍呈府中同

寮

古木鬱沉沉祠亭相袞臨雷驅山外響雲結日邊陰

霖霖來初合依微勢稍深土膏潛動脉野氣欲成霖

隴上連雲色田間擊壤音明光應奏瑞黃屋正焦心

帝邑三川美離宮萬瓦森廢溝鳴故苑紅蘓發青林

南畝猶須勸餘春尚可尋應容後車一作客時作洛

生吟

春日遊上杯院後亭見櫻桃花奉寄希深聖

俞仍酬遞中見寄之什

昔日尋春地今來感歲華人行已荒逕花發半枯槎

高榭林端出殘陽水外斜聊持一罇酒徒倚憶天涯

獨至香山憶謝學士一作希深

伊水弄春沙山臨水上斜曾為謝公客一作入梵

王家陰澗初生草春崑自落花卻尋題石處歲月已



堪嗟

春晚同應之偶至普明寺小飲作

偶來林下逕共酌竹間亭積雨添方一作沼殘花點

綠萍野陰侵席潤芳氣襲人醒禽鳥休驚顧都忘兀

爾形

黃河八韻寄呈聖俞

河水激箭險誰言航葦遊堅冰馳馬渡伏浪卷沙流

樹落新摧岸湍驚忽改洲鑿龍時退鯉漲潦不分牛

萬里通槎漢千帆下漕舟怨歌今罷築故道失難求

灘急風逾響川寒霧不收詎能窮禹迹空欲問張侯

和應之同年兄秋日雨中登廣愛寺閣寄梅

聖俞

經年都洛與君交共許詩中思最豪舊社更誰能擁

鼻新秋有客獨登高徑蘭欲謝悲零露籬菊空開乏

凍醪縱使河陽花滿縣亦應留滯感潘毛

晚過水北

寒川消積雪凍浦漸通流日暮人歸盡沙禽上釣舟

罷官西京回寄河南張主簿

歸客下三川孤郵暫解鞍鳥聲催暮急山氣欲晴寒

已作愁霖詠猶懷祖帳歡更聞溪溜響疑是石樓灘



寄西京張法曹

幙府三年客，群居幾日親。初分關一作口路，猶見洛

陽人。隴麥晴將秀，田花晚自春。向家行漸近，豈復倦

征輪。

離彭婆值雨投，臨汝驛回寄張九屯田司錄

投館野，花邊羸驂晚不前。山橋斷行路，溪雨漲春田。

樹冷無棲鳥，村深起暮煙。洛陽山已盡，休更望伊川。

朱家曲

一本有并引字

朱家曲自許縣北門上赤坂岡分道西行入

小路三十里有村市臨古河商賈之聚京師

行人傷衰柳，路向古河窮。桑柘田疇美，漁商市井通。

新歌晚入浦，舟子夜乘風。旅舍孤煙外，天京王氣中。

山川許國近，風俗楚鄉同。宿客鷄鳴起，驅車猶更東。

行至棧澗作

霜後葉初鳴，羸驂繞澗行。川原人遠近，禾黍日晴明。

病質驚殘歲，歸塗賦一作暮程。空林聚寒雀，疑已作

春聲。

送謝希深學士北使

漢使入幽燕，風煙兩國間。山河持節遠，亭障出疆閒。

征馬聞笳躍，雕弓向月彎。禦寒低便面，贈客解刀環。



鼓角雲中壘，牛羊雪外山。穹廬鳴朔吹，凍酒發一作朱顏。塞草生侵磧，春榆綠滿關。應須鴈北向，方值使南還。

送賈推官赴絳州

白雲汾水上，人北鴈南飛。行李山川遠，風霜草木腓。郡齋賓榻掛，幙府羽書稀。最有題輿客，偏思玉麈揮。送張如京知安肅軍

相逢舊從事，新命忽臨戎。界上山河壯，軍中鼓角雄。朔風馳駿馬，塞雪射驚鴻。試取封侯印，何如筆硯功。送威勝軍張判官

北地不知春，惟看榆葉新。岑牟多武士，玉麈重嘉賓。野燐一作燒驚行客，烽煙入遠暮一作塵。繫書沙上鴈，時寄口邊人。

送同年史褒之武功尉

久作遊邊客，常悲入塞笳。今茲一尉遠，猶困折腰嗟。白馬關中道，青天一作煙棧外家。過秦應吊古，惟有故山斜。

送祝熙載之東陽主簿

吳江通海浦，畫舸候潮歸。疊鼓山間響，高帆鳥外飛。孤城秋枕水，千室夜鳴機。試問還家客，遼東今是非。



鄭十一先輩赴四明幙

一本注初授洋川辭不行

梁漢褒斜險夫君畏遠遊家臨越山下帆入海潮頭  
岸柳行稍盡江尊歸漸秋故鄉看衣錦寧羨李膺舟

送丁元珍峽州判官

一作送朱處仁

為客久南方西游更異鄉江通蜀國遠山閉楚祠荒  
油幙無軍事清猿斷客腸惟應陪主諾不費日飛觴

送楚建中潁州法曹

冠蓋盛西京當年相府榮曾陪鹿鳴宴徧徧一作識洛

陽生共歎長沙謫空存許劭評堪嗟桃李樹何日見

陰成

送王尚恭隰州幙

去國初游宦從軍苦寂寥愁雲帶一作城起畫角向

山飄秋勁方馳馬春寒正襲貂遙知為客恨應賴酒

盃消

送王尚詰三原尉

初任便西轅驪駒兩佩環山河識天府風雨度函關

桑柘千疇富人煙萬井間欲為京洛詠應苦簿書間

送餘姚陳寺丞最

銅墨佩腰間中流望若一作仙鳴蟬汴河柳畫鷁越

鄉船下瀨逢江鴈瞻氛落海鳶山川仍客思盡入隱



侯篇

送廖八下第歸衡山

魚作關中客嘗窺百二疆自言秦隴嶺一作水能斷楚  
人腸失意倦京國羈愁成鬢霜何如伴征鴈日日向  
衡陽

夏侯彥濟武陵尉

風煙地接懷井邑富田垌河近聞冰坼山高見雨來  
官閒同心隱酒美足銜盃好去東籬菊迎霜正欲開

遠山

山色無遠近看山終日行峯巒隨處改行客不知名

宋宣獻公輓詞三首

望繫朝廷重文推天下工清名畏楊綰故事問胡公  
物議垂為相風流頓已窮仁言博哉利獻替有遺忠  
識度推明哲風猷藹縉紳何言止中壽遂不秉洪鈞  
翰墨時爭寶詞章晚愈新哭哀文伯母悲感路傍人  
結髮一作逢明主馳聲著兩朝奠楹先有夢升屋豈  
能招贈服三公衮兼榮七葉貂春風笳鼓咽松柏助  
蕭蕭

初出真州汎大江作

孤舟日日去無窮行色蒼茫杳靄中山浦轉帆迷向



背夜江看斗辯西東。澎田漸下雲間。鴈霜日初丹水。  
上楓蓴菜鱸魚。方有味。遠來猶喜。及秋風。

江行贈鴈

雲間征鴈水間棲。矰繳方多羽翼微。歲晚江湖同是  
客。莫辭伴我更南飛。

松門已下五首一本屬夷陵九詠

島嶼松門數里長。懸崖對起碧峯雙。可憐勝境一作景  
當窮塞。翻使留一作流人戀此邦。亂石驚灘喧醉枕。淺  
沙明月入船窻。因遊始覺南來遠。行盡荆江見蜀江。

下牢津

依依下牢。古戍鬱嵯峨。入峽江漸曲。轉灘山更多。  
白沙飛白鳥。青障一作障合青蘿。遷客初一作嘗經此。  
愁詞作楚歌。

龍溪

潺潺出亂峯。演漾綠蘿風。淺瀨寒難涉。危槎路不通。  
朝雲起潭側。飛雨徧江中。更欲尋源去。一作上山深不  
可窮。

勞停驛

孤舟轉山曲。豁爾見平川。樹杪帆初落。峯頭月正圓。  
荒煙幾家聚。瘦野一刀田。行客愁明發。驚灘鳥道前。



黃溪夜泊

楚人自古登臨恨暫到愁腸已九回萬樹蒼煙三峽  
暗滿川明月一猿哀非鄉况復驚殘歲慰客偏宜把  
酒盃行見山河一作江山且吟詠不因遷謫豈能來

望州坡

聞說夷陵人為愁共言遷客不堪遊崎嶇幾日山行  
倦却喜坡頭見峽州

歐陽文集卷十

歐陽文集卷十一

律詩五十七首

初至夷陵答蘇子美見寄

三峽倚岩堯同一作南遷地最遙物華雖可愛鄉思獨  
無聊江水流青嶂猿聲在碧霄野篁抽夏筍叢橘長  
春條未臘梅先發經霜葉不凋江雲愁一作懸蔽日山

霧晦連朝斫谷爭收漆梯林鬪摘椒巴賓船賈集一作

賈集巴江船蠻市酒旗招時節同荆俗民風載楚謠俚歌

成調笑一作祭鬼聚喧囂夷陵之俗多淫奔又好祠

餽其餘里語謂之捺鬼因此多成鬪訟得罪宜投裔包羞分折腰光陰



催晏歲牢落慘驚颯白髮新年出朱顏異域銷縣樓  
朝見虎官舍夜聞鴉寄信無秋鴈思歸望斗杓須知  
千里夢長繞洛陽橋

冬後三日陪丁元珍遊東山寺

幙府文書日已稀清罇歲晏喜相攜寒山帶郭穿松  
路瘦馬尋春踏雪泥翠蘚蒼崖森古木綠蘿盤石暗  
深溪為貪賞物來猶早迎臘梅花吐未齊

送前巫山宰吳殿丞

字照鄰

俊邑當年仰下風天涯今日一罇同高文落筆妙天  
下清論揮犀服坐中江上掛帆明月峽雲間謁帝紫

微實山城寂寞少嘉客喜見瓊枝

一作林

慰病翁

龍興寺小飲呈表臣元珍

平日相從樂會文博臬壺馬占朋分罰籌多似昆陽  
矢酒令嚴於細柳軍蔽日雲霓猶黶黶欲晴花氣漸  
氛氲一罇萬事皆毫末螺贏螟蛉豈足云

縣舍不種花惟栽柗木冬青茶竹之類因戲

書七言四韻

結綬當年仕兩京自憐年少體猶輕伊川洛浦尋芳  
徧魏紫姚黃照眼明客思病來生白髮山城春至少  
紅萸芳叢密葉聊雖種猶得蕭蕭聽雨聲



至喜一作虛白堂新開北軒手植柟木兩株走筆

呈元珎表臣

為憐碧砌宜佳樹自斲蒼苔選綠叢不向芳菲赴一作  
赴開落直須霜雪見青葱披條泫轉清晨露響葉蕭  
騷半夜風時掃濃陰北窻下一枰閒且伴衰翁

戲答元珎一本下云花時久雨之什

春風疑不到天涯二月山城未見花殘雪壓枝猶有  
橘凍雷驚筍欲抽芽夜聞歸鴈生鄉思病入新年感  
物華一作鳥鼓漸變知芳節人意無聊感物華曾是洛陽花下客野芳雖  
晚不須嗟

初晴獨遊東山寺五言六韻

日暖東山去松門數里斜山林隱者趣鐘鼓梵王家  
地僻遲春節風晴變一作別物華雲光漸容與鳥弄已  
交加冰下泉初動煙中茗未芽自憐多病客來探欲  
開花

夷陵歲暮書事呈元珎表臣一本作元珎判官表臣推官

蕭條鷄犬亂山中時節崢嶸忽一作歲已窮遊女鬢

風俗古野巫歌舞歲年豐夷陵俗朴陋惟歲暮祭鬼

婦女競為野服以相遊嬉平時都邑今為陋敵國江

山昔最雄三國時吳蜀荆楚先賢多勝迹不辭携酒



問鄰翁

處士何參居縣舍西好學多知荆楚故事

夷陵書事寄謝三舍人

一作代書寄舍人三丈

朱高

春秋楚國西偏境陸羽茶經第一州紫籜青林長蔽  
日綠叢紅橘最宜秋道塗處險人多負邑屋臨江俗  
善汨臘市漁一作魚鹽朝暫合淫祠簫鼓歲無休風鳴  
燒入空城響雨惡江崩斷岸流月出行歌聞調笑花  
開啼鳥亂鉤輞一本有訟庭畫地通人語邑政觀風問里謳工俗雖輕人自樂山川信美  
客偏愁黃牛峽口經新歲白玉京中夢舊遊曾是洛  
陽花下客欲誇風物向君羞

戲寄贈丁判官

西陵江口折寒梅爭勸行人把一酒一作盃須信春風  
無遠近維舟處處有花開

寄梅聖俞

一本汴夷陵作

青一作春山四顧亂無涯雞犬蕭條數百家楚俗歲時  
多雜鬼蠻鄉一作風言語不通華繞城江急舟難泊當  
縣山高日易斜擊鼓踏歌成夜市邀龜下雨趁燒一作  
春畬叢林白晝飛妖鳥庭砌非時見異花惟有山川  
為勝絕寄人堪作畫圖誇

離峽州後回寄元珍表臣

一本作元珍判官表臣推官

經年遷謫馱荆蠻惟有江山興未闌醉裏人歸青草



渡夢中船下武牙灘野花零落一作風前亂舞飛

雨蕭條江上寒荻筍時魚方有味恨無佳客共盃盤

再至西都一作寄謝希深

伊川不到十年間魚鳥今應恠我一作我自還浪得浮名

銷壯節羞將一作看白髮見對一作青山野花向客開如

笑一作異花向我情猶笑芳草留人意自閒却到行一作至謝公題

壁處向風清淚獨一作臨風潺湲

過錢文僖公白蓮莊

城南車馬地行客過徘徊野水寒猶入餘花晚自開

命賓曾授簡開府最多才今日西州路何人更獨來

謝公挽詞三首

始見行春旆俄聞引葬簫笑言猶在耳魂魄遂難招

天象奎星暗辭林玉樹凋朔風吹霰雪銘旌共飄飄

前日賓齋宴今晨奠柩觴死生公自達存歿世徒傷

舊國難歸葬餘貲不給喪平生公輔志所可一作得在

文章

樂事與良辰平生愛洛濱泉臺一閉夜蒿里不知春

翰墨猶新澤圖書已素塵堪憐寢門哭猶有舊時賓

愁牛嶺

邦人盡一作自說畏愁牛不獨牛愁我亦愁終日下一作



繞山行百轉卻從山脚望山頭

寄子山待制二絕

一本後篇作別鎮陽寄沈待制

留滯西山獨可憐殘年過盡始還家落花縱有那堪

醉一作看何况歸時無落花

聞君屢醉賞紅英落盡殘花酒未醒嗟我落花無分

看莫嫌狼藉掃中庭

寄秦州田元均儒

由一作近來邊將用儒臣坐以威名撫漢軍萬馬不嘶

聽號令諸蕃無事著一作樂耕耘夢回夜帳聞羌笛詩

就高樓對隴一作暮雲莫忘望一作鎮陽遺愛在一作北

潭挹李正氛

一作春深能李正綱緼

送沈待制陝西都運

幾歲瘡痍近息兵經營方喜得時英從來漢粟勞飛

輓當使秦人自戰耕道左旌旗諸將列馬前弓一作冠

劍六蕃迎知君材力多閒暇剩聽陽關醉後聲

樂城遇風効韓孟聯句體

歲暮氛霾惡冬餘氣候爭吹噓回暖律號令發新正

遠響來猶漸狂奔勢益橫頽城鏖戰鼓掠野過陰兵

掃蕩無餘靄巖摧鮮立莖五山搖岌業九鼎沸煎烹

玉石焚岡裂波濤卷海傾遙聽午合市爭呼夜驚營



慘極雲無色，陰窮火自生。  
電鞭時若劃，雷軸助喧轟。  
孔竅千般出，陰幽百恠呈。  
孤妖憑莽蒼，鬼火走青荧。  
奮怒神增悚，中休耳暫清。  
胡兵占月暈，江客候鼉鳴。  
飄葉千艘失，飛空萬瓦輕。  
獵豪漆馬健，舶穩想帆征。  
畏壘頻移席，陰祈屢整纓。  
凍消初醒蟄，枯活欲抽萌。  
病體愁山館，春寒賴酒鎗。  
雞號天地白，登隴看晴明。

過中渡二首

中渡橋邊十里隄，寒蟬

一作梅

落盡柳條衰，年年塞下

春風晚，誰見輕黃弄色時。

得歸還自歎淹留，中渡橋邊柳拂頭。  
記得來時橋上

過斷冰，殘雪滿河流。

自河北貶滁，州初入汴，河間鴈

陽城泥裏新來鴈，趁伴南飛逐。

一作何事不隨南

越船野岸

柳黃霜正白，五更驚破客愁眠。

自勉

引水澆花不厭勤，便須已有鎮陽春。  
官居處處如郵傳，誰得三年作主人。

席上送劉都官

都城車馬日喧喧，雖有離歌不慘顏。  
豈似客亭臨野岸，暫留罇酒對青山。  
天街樹綠騰歸騎，玉殿霜清綴



曉班莫忘西亭曾醉處月明風溜響潺潺

寄劉都官

別後山光寒更綠秋深酒美色仍清繞庭黃菊同君種獨對殘芳醉不成

書王元之畫像側在琅琊山

偶然來繼前賢迹信矣皆如昔日言諸縣豐登少公事一家飽暖荷君恩想公風采尚如在顧我文章不足論名姓已光青史上壁間容貌任塵昏公貶滁州對上表云

諸縣豐登苦無公事一家飽暖共荷君恩

送京西提刑趙學士

題輿嘗屈佐留京攬轡今行來一作按屬城楚館尚看

淮月色嵩雲應過虎關迎春寒酒力風中醒云暖梅香雪後清野俗經年留惠愛莫辭臨別醉冠傾

寄題宜城縣射亭

作邑三年事事勤宜城風物自君新已能為政留遺愛何必栽花遺後人藹若芝蘭芳可襲温如金玉粹而純友朋欣慕自如此何況斯民父母親

豐樂亭遊春三首

綠樹交加山一作所陰野鳥啼晴風蕩漾落一作晚晴斜日雜花

飛鳥歌花舞太守醉明日一作月酒醒春已一作色歸



春雲淡淡日輝輝，草惹行襟絮拂衣。行到西亭逢太守，藍輿酪酊插花歸。

紅樹青山日欲斜，長郊草色綠無涯。遊人不管春將老，一作來往空繞庭前踏落花。

謝判官幽谷種花

淺深紅白宜相間，先後仍須次第栽。我欲四時攜酒去，莫教一日不開花。

畫眉鳥  
一作郡燕

百轉千聲隨任作，意移山花紅紫樹。高位始知鎖向金籠聽，不及林間自在啼。

懷嵩樓新開南軒與郡僚小飲

繞郭雲煙一作閣匝，幾重昔人曾。此感懷嵩霜林落

後山爭出野菊開時酒正濃，解帶西風飄畫角。倚闌斜日照青松，會須乘醉攜佳客，踏雪來看群玉峯。

送張生

一別相逢十七春，顏頰衰鬢互相詢。江湖我再為遷客，道路君猶困旅人。老驥骨竒心尚壯，青松歲久色逾新。山城寂寞難為禮，一作濁酒無辭舉爵頻

田家

綠桑高下映平川，賽罷田神笑語喧。林外鳴鳩春雨



歇屋頭初日杏花繁

別滁

花光濃豔柳輕明酌酒花前送我行我亦且一作如常日醉莫教絃管作離聲

答謝判官獨遊幽谷見寄

聞道西亭偶獨登悵然懷我未忘情新花自向遊人笑啼鳥猶為舊日聲因拂醉題詩句在應憐手種樹陰成須知別後無由到莫厭頻攜野客行

招許主客

欲將何物招嘉客惟有新秋一味涼更一作掃廣庭

寬一作開百畝少容明月放一作吐清光樓頭破鑑看將

滿甕面浮蛆撥已香仍一作更約多為詩準備共防梅

老敵難當

金鳳花

憶繞朱欄手一作喜自栽綠叢高下幾番開中庭雨過

無人迹狼藉深紅點綠苔

鷺鷥

風格孤高塵外物性情閒暇水邊身盡日獨行溪淺處青苔白石見纖鱗

野鵲



鮮鮮毛羽耀朝輝，紅粉墻頭綠樹枝。  
日暖風輕言語軟，應將喜報主人知。

木芙蓉

種處雪消春始動，開時霜落鴈初過。  
誰栽金菊叢相近，織出新番蜀錦窠。

樵者

雲際依依認舊林，斷崖荒磴路難尋。  
西山望見朝來雨，南澗歸時渡處深。

詠雪

至日陽初復，豐年瑞遽臻。  
飄颻初未積，散漫忽無垠。

萬木青煙滅，千門白晝新。  
往來衝更合，高下著何勻。  
望好登長榭，平堪走畫輪。  
馬寒毛縮蝟，弓勁力添鈞。  
客醉看成眩，兒嬌一作驕且一作咀。  
顰虛堂明永夜，高閣照清晨。  
樹石詩翁對，川原獵騎陳。  
凍狐迷舊穴，饑一作飢雀噪空囷。  
此土偏宜稼，而予溢長人。  
應須待和暖，載酒共行春。

送楊先輩登第還家

解榻方欣待雋英，掛帆千里忽南征。  
錦衣白日還家樂，鶴髮高堂獻壽榮。  
殘雪楚天寒料峭，春風淮水浪崢嶸。  
知君歸意先飛鳥，莫惜停舟酒屢傾。  
一作錢行



初至潁州西湖一作到潁治事之種瑞蓮黃

楊一作因與郡官小寄淮南轉運呂度支發

運許主客

平湖十頃碧琉璃四面清陰乍合時柳絮已將春去

遠海棠應恨我來遲一作鳴禽似與遊人語一作本

月閒撐野小一作艇隨每到最佳堪樂處却思君共把

芳卮

三橋詩皇祐元年新作三橋而

朱欄明綠水古柳照斜陽何處偏宜望清漣對女郎

清漣閣名後改作去思堂

右宜遠

鳴騶入遠樹飛蓋渡長橋水濶鷺雙起波明魚自跳

右飛蓋

輕舟轉孤嶼幽浦漾平波回看望佳處歸路逐漁歌

右望佳

答通判呂太博

千頃芙蓉蓋水中邵伯荷花極目揚州太守舊多情畫盆

圍處花光合予嘗採蓮千朵挿紅袖傳來酒令行又

命坐客傳花人摘一葉舞踏落暉留醉客歌遲檀板

換新聲如今寂寞西湖上雨後無人看落英



祈雨曉過湖上

清晨驅馬思悠然。渺渺平湖碧玉田。曉日未昇先起霧。綠陰一本作雲初合自生烟。身閒始覺時光好。春去猶餘物色妍。更待四郊甘雨足。相隨簫鼓樂豐年。

歐陽文集卷十一

歐陽文集卷十二

律詩五十六首

送一作寄謝中舍二首

滁南一作陽幽谷抱山斜。我鑿清泉子種花。故事已傳

遺一作留傳父老說。世人今作畫圖誇。金閨引籍子方壯。

白髮盈簪我可嗟。試問絃歌為縣政。一作意何如罇俎

樂無涯。

喜聞嘉譽藹淮壖。又看吳又作征帆解畫船。隴畝遺民

談舊政。江山餘思入新篇。人生白首一作憂傷一作憂吾今爾

仕路青雲子勉旃。舉棹南風吹酒醒。離觴莫惜少一作



更留連

酬張器判官泛溪

園林初夏有清香人意乘閒味愈長日暖魚跳波面  
靜風輕鳥語樹陰涼野亭飛蓋臨芳草曲渚迴舟帶  
夕陽所得平時為郡樂况多嘉客共銜觴

西園石榴盛開

荒苔野徑共躋攀正見榴花出短垣綠葉晚鶯啼處  
密紅房初日照時繁最憐夏景鋪珍簾尤愛晴香入  
睡軒乘興便當攜酒去不須旌騎擁車轅

西湖戲作示同遊者

一作初遊西湖

菡萏香清一作綠畫舸浮使君寧一作不復憶揚州都  
將二十四橋月換得西湖十頃秋

夢中作

夜涼吹笛千山月路暗迷人百種花棋罷不知人換  
世酒闌無柰客思家

秀才歐世英惠然見訪於其還也聊以贈之  
相逢十載舊輜喜一罇同昔日青衫今為白髮翁  
俟時君子守一作處求士有司公况予之才美焉能久  
困窮

送楊君之任永康



劍峯雲棧未嘗行  
圖畫曾看已可驚  
險若登天懸鳥道  
下臨無地瀉江聲  
折腰莫以微官耻  
為政須通異俗情  
况子多才兼美行  
薦章期即達承明

紀德陳情上致政太傅杜相公二首

傳杜公唱和一首  
二首自此而下

儉節清名世絕倫  
坐令風俗可還淳  
貌先年老因憂國  
事與心違始乞身  
四海儀刑瞻舊德  
一罇談笑作閒人  
鈴齋幸得親師席  
東向時容問治民

事國一心勤以且  
一作瘁還家五福壽而康  
風波已出憑忠信  
松柏難凋耐雪霜  
昔日青衫遇知己  
今來白

首再升堂里門每入從  
千騎賓主俱榮道路光

太傅杜相公索聚星堂詩謹成

篇仍索拙詩副本謹  
吟成四韻以叙鄙懷

楚肆固知難衒玉  
丘門安敢輒論詩  
葳之十襲真無

用報以雙金豈所  
一作自宜已恨語言多  
猥冗况因盃

杓一作酌正淋漓願投凡格資  
哈嚙欲展須於欲睡時

和太傅杜相公寵示之作

愧佩之意

平生孤拙荷公知  
敢向公前自衒詩  
憂患飄流誠已甚  
文辭衰落固其宜  
非高僅比巴音下  
少味還同魯



酒滴兩辱嘉篇永為寶豈惟榮耀託當時

太傅杜相公有答兗州待制之句其卒章云

獨無風雅可流傳因輒成一本作因成四韻

南都已見成新集東魯休嗟未作詩霖雨曾為天下

福甘棠何止郡人思元劉事業時無取姚宋篇章世

不知二美惟公所兼有後生何者欲攀追

依韻答杜相公寵示之作一本云伏蒙寵示嘉篇以不赴東園

之會某亦經春多病誠有可嗟謹依元韻輒紆鄙素一本於經春多病下又有畧無少暇

四

醉翁豐樂一閒身憔悴今來汴水濱每聽鳥聲知改

節因吹柳絮惜殘春蓋經春罕見花也平生未省降詩敵近

和難韻甚覺牽疆到處何嘗訴酒巡壯志銷磨都已盡看花

翻作飲茶人

依韻和杜相公喜雨之什

歲時豐儉若循環天幸非由一作因拙政然一雨雖知

為美澤三登猶未一作補凶年京東累歲不熟桑陰蔽日交

垂路麥穗含風秀滿田千里郊原想如畫正宜携酒

望晴川

謝太傅杜相公寵示嘉篇

凜凜節竒霜澗栢昭昭心瑩玉壺冰正身尚可清風



俗當暑何須馱鬱蒸塵柄屢揮容一作請益龍門雖

峻忝先登立朝行已師資久寧止篇章此服膺

答杜相公寵示去思堂詩

當年丞相倦洪鈞弭節初來潁水濱惟以琴樽樂嘉

客能將富貴比浮雲西溪水色春長綠北渚花光暖

一作夫自薰去思堂在北渚之北臨西溪溪晏公所開也得載公詩播人口

去思從此四夷聞

答太傅相公見贈長韻

縱跡本羈單登門二十年平生任愚拙自進耻因緣

憂患經多矣疲駑尚勉旃凋零鷺谷友脩與尹師魯蘇子美同出

門樵悴鴈池邊忽忽良時失區區俗慮闐公齋每偷

暇師席屢攻堅善誨常一作當無倦餘談亦可編每接

議皆立朝行已之節至於談笑之間亦多記朝廷故事皆可記錄以貽後生仰高雖莫及

希驥豈非賢報國如乖願歸耕寧買田期無辱知己

肯逐利名遷

借觀五老詩次韻為謝一本注云即丞相杜公太子賓客王煥光

孫卿畢世長兵部郎中朱貫尚書郎馮平

脫遺軒冕就安閒笑傲丘園縱倒冠白髮憂民雖種

種丹心許國尚桓桓鴻冥得路難高慕松老無風韻

自寒聞說優游多唱和新篇何惜盡一作傳畫圖看



答杜相公惠詩一本云近以藥苗茶具為獻

韻課成

藥苗本是山一作仙家味茶具偏於野客宜敢以微誠

將薄物少資清興入新詩言無俗韻精而勁筆有神

鋒老更奇二寶收藏傳百一作在世豈惟榮耀詫當時

去思亭手植雙柳今已成陰因而有感

曲闌高柳拂層簷却憶初栽映碧潭人昔共遊今孰

在樹猶如此我何堪壯心無復身從老世事都銷酒

半酣後日更來知有幾攀條莫惜駐征驂

和陸子履再遊城西李園

京師花木類多奇常恨春歸人不歸車馬喧喧走塵

土園林處處鎖芳菲殘紅已落香猶在羈客多傷涕

自揮我亦悠然無事者約君聯騎訪郊圻

內直對月寄子華舍人持國廷評一作呈原父

禁署一作省沉沉玉漏傳月華雲表溢金盤纖埃不隔

光初滿萬物無聲夜向闌蓮燭燒殘愁夢斷薰爐薰

歌覺衣單水晶宮鎖黃金闕故比人間分外寒

答子華舍人退朝小飲官舍一作子華朝退寒甚陪諸公飲

玉階朝罷卷晨班官舍相留一笑間與世漸疎嗟已

老一作態得朋為樂偶偷閒紅牋搦管吟紅藥綠酒



盈鐫舞綠鬟自是風情年少事多慙白髮與蒼顏

內直晨出便赴奉慈齋宮一作馬上口占一本

云呈子  
華子履

凌晨更直九門開驅馬悠悠望禁街霜後樓臺明曉  
日天寒煙霧著宮樓山林未去猶貪寵鐫酒何時共  
放懷已覺蕭條悲晚歲更憐衰病怯清齋

景靈朝謁從駕還宮

琳館清晨謁瑞氛玉旒朝罷奏韶鈞綠槐夾路飛黃  
紫翠輦鳴鞘向一作入紫宸合闕日高猶泣露綠旗風  
細不驚塵自慙白首追時彥行近儲胥忝侍臣

憶滁州幽谷

滁南一作豐山幽谷抱千峯高下山花遠近紅當日辛勤

皆手植而今開落任春風主人不覺悲華髮野老猶

能說醉翁誰與援琴親寫取夜泉聲在翠微中

和韓學士襄州聞喜亭置酒一作和欽聖學士聞喜置酒即

事

截解高城漢水邊登臨誰與共躋攀清川萬古流不  
盡白鳥雙飛意自閒可笑沉碑憂岸谷誰能把酒對  
江山少年我亦曾遊目風物今思一夢還

寄題梅龍圖滑州溪園一作西溪



聞說溪園景漸佳。遙知清興已無涯。飲闌歸騎多一作  
去乘月。雪後尋春自探花。百轉黃鸝消永日。雙飛白  
鳥避鳴笳。平生喜接君。每一作嗟予許陪高唱。不得樽前詠  
落霞。

奉使道中五言長韻

初旭

一作日

瑞霞烘都門。祖帳供親持。使者節曉出。大

明宮城闕。青煙起樓臺。白霧中繡鞵。

一作鞍

驕躍躍貂

袖紫蒙蒙。朔野驚颯慘。邊城畫角雄。過橋分一水。回

首羨南鴻。地里山川隔。天文日月同。兒童能走馬。婦

女亦腰弓。度險行愁濕。盤高路欲窮。

一作斗絕許天險高盤畏路窮

山深聞喚鹿。林黑自生

一作成

風。松壑寒逾響。水谿作

流。咽復通。望平愁驛迴。野曠覺天穹。駿足來山北。輕

禽出海東。合圍飛走盡。移帳水泉空。講信鄰方睦。尊

賢禮亦隆。斫

一作斫

冰燒酒赤。凍

一作斫

膾縷霜紅。白草

經春在。黃沙盡日濛。新年風漸變。歸路雪初融。祇事

須疆力。嗟予乃病翁。深慚漢蘇武。歸國不論功。

奉使契丹初至雄州

一作過塞

古關衰柳聚寒鷗。駐馬城頭日欲斜。一作駐馬関猶

去西樓。二千里行人到此莫思家。

奉使契丹回出上京馬上作



紫貂裘暖朔風驚潢水冰光射日明笑語同來向公  
子馬頭今日向南行

送渭州王龍圖

漢軍

一作兵

十萬控山河玉帳優游暇日多夷狄從來

懷信義廟堂今不用干戈吟餘畫角吹殘月醉裏紅  
燈炫綺羅此樂直須年少壯嗟予心志已蹉跎

李留後家聞箏坐上作

予少時嘗聞一鈞容老樂工箏鼓與時人

所彈絕異云是前朝教坊舊聲其後不復聞至此始復一聞也

不聽哀箏二十年忽逢纖指弄鳴絃  
絛蠻巧轉花間舌嗚咽交流水下泉  
常謂此鼓今已絕問渠從小自

誰傳罇前笑我聞彈罷白髮蕭然涕泫然

送鄆州李留後

北州遺頌藹嘉穀東土還聞政有成  
組甲光寒圍夜帳綵旗風暖看春耕  
金釵墮鬢分行立玉塵高談四坐傾  
富貴常情誰不羨愛君風韻有餘清

子華學士倬直未滿遠出館伴病夫遂當輪

宿輒成拙句奉呈

萬釘寶帶爛腰鰐賜宴新陪一笑歡  
金馬並遊年最

少玉堂初直夜猶寒自嗟零

一作流

落凋顏鬢晚得飛

翔接羽翰今日遽聞催遞宿不容多病養衰顏



禮部貢院闕進士就試

自此而下二十首皆禮部貢院唱和一本

云凡二十五首蓋二首見外集

紫案焚香暖吹輕廣庭清曉席群英無譁義士銜枚  
勇下筆春蠶食葉聲鄉里獻賢先德行朝廷列爵待  
公卿自慙衰病心神耗賴有群公鑒識一作精  
和梅聖俞元夕登東樓

遊豫恩同萬國歡新年佳節候初還華燈燦燦春風  
裏黃傘亭亭瑞霧間可愛清光澄夜色遙知喜氣動  
天顏自憐曾賴與一作稱觴列獨宿冰廳夢帝關

再和

禁城車馬夜喧喧閒繞危欄一作樓去復還遙望觚稜  
烟靄外似聞天樂夢魂間豈無罇酒當佳節况有朋  
歡慰病顏待得歸時花在否春禽簷際已關關

又和

憑高寓目偶乘閒袂服遊人見往還明月正臨雙闕  
上行歌遙聽九衢間黃金絡一作束馬追珠幃紅燭籠  
紗照玉顏與世漸疎嗟老矣佳辰樂事豈相關

憶鶴呈公儀

一作和公儀憶鶴

一笑相驩一作從樂得朋誦君雙鶴句尤清高懷自喜  
凌雲格俗耳誰思警露聲所好與時俱異趣累心於



物豈非情歸休約我携琴去共看婆娑舞月明

答王禹玉見贈一作和禹玉書事

昔時叨入武成宮曾看揮毫氣吐虹夢寐閒思十年  
舊一作事笑談今此一罇同喜君新賜黃金帶顧我宜  
為白髮翁自古薦賢為報國幸依精識士稱公

答王內翰范舍人一本云叙懷謝景仁禹玉

相從一笑歡無厭屢獲新篇喜可涯自昔居前諂稊  
批幸容相倚媿蒹葭白麻詔令追三代一本註禹玉年前方入翰  
林青史文章自一家一本注景仁脩撰又同書局我亦諫垣新忝  
命君恩未報髮先華禹玉新除學士景仁新兼脩撰

戲答聖俞持燭之句

辱君贈我言雖厚聽我謂君意不同病眼自憎紅蠟  
燭何人肯伴白鬚翁花時浪過如春夢酒敵先甘伏  
下風惟有吟哦殊不倦始知文字樂無窮

小桮一作和公儀正月桮

雪裏花開人未知摘來相顧共驚疑便當索酒花前  
醉初見今年第一枝

戲書

支離多病歎衰顏賴得一作有羣居一笑歡人老思家  
甚年少身閒泥酒過春寒來時御柳水一作天街凍蹄



去梨花禁籞殘縱使開門佳節晚未妨雙鶴舞霜翰

一作朝鎖漢臺空帳  
望欲將春恨託飛翰

春雪一本上有  
和聖俞字

逗曉一作風聲惡寒簾雪勢斜應憐未歸客故勒欲

開花病思寒添睡春愁夢在家誰能慰寂寞惟有酒

如霞

和梅公儀嘗茶

溪山擊鼓助雷驚逗曉靈芽發翠莖摘處兩旗香可

愛首來雙鳳品尤精寒侵病骨惟思睡花落春愁未

解醒喜共紫甌吟且酌羨君請灑有餘清

和較藝書事一作奉答禹  
玉再示之作

相隨懷詔下天閣一鎖南宮隔幾旬玉塵清談消永

日金樽美酒惜餘春盃盤錫粥春風暖池館榆錢夜

雨新猶是人間好時節歸休過我莫辭煩

和一作戲答公儀贈白本無  
白字鵬

梅公憐我髭如雪贈以雙禽一作鵬意有云但見尋常

思白兔便疑不解醉紅裙吟齋雖喜留閑客野性寧

忘在嶺雲我有銅臺方尺瓦慙非玉案欲酬君

再和用其韻一作依韻  
再答公儀白鵬

佳翫能令百事忘豈惟閒伴倒餘缸珍竒來自海千



里皎潔明如壁一雙日暖朝籠青石砌春寒夜宿碧  
紗窻蠻煙瘴霧雖生處何必區區憶陋邦

和聖俞春雨

簷瓦蕭蕭雨勢疎寂寥官舍與君俱身遭鎖閉如鸚  
鵡病識陰晴似鶉鴣年少自愁花爛熳春寒偏著老  
肌膚莫嫌來往傳詩句不爾須當泥酒壺

出省有日書事

凌晨小雨壓塵輕閒憶登高望禁城樹色連雲春泱  
泱風光著草日晴明看榆吐莢驚將落見鵲移巢忽  
已成誰向兒童報歸日為翁寒食少一作且留錫

和一本有玉字較藝將畢

据柳來時綠未勻開門節物一番新踏青寒食追遊  
騎賜火清明忝侍臣拂面蜘蛛占喜事入簾蝴蝶報  
家人在李賀詩莫嗔年少思歸切白髮衰翁尚惜春

喜定號和禹玉內翰用其韻一作和禹玉喜定號

衡鑑慙叨選英豪此所鍾古今參雅鄭善惡雜臯共  
揮翰飄飄思懷竒落落曾披文驚可畏奏下始開封  
但喜真才得寧一作何虞橫議攻欲知儒學盛首善本

三廳

和出省國朝之制禮部考定卷子奏上字號差臺官一人拆封出榜一作和公儀



上馬  
有作

僮奴一作僕被莫相催待報霜臺御史來晴陌便當

聯騎去春風任放百花開文章紙貴爭一作看馳譽朝

野人言慶得才共向丹墀侍一作臨選莫驚鱗鬣化

風雷

歐陽文集卷十二



